



Kamis, 08 Desember 2022

Ogen : Daniel 11:1-20



Kiniganjangen Rukur



Meganjang rukur (bahasa Indonesia: *tinggi hati*) ertina sombong, angkuh. Sipat sibagenda jadi nandangi Kerajaan Mesir ras Siria. Arah pengenehenen Daniel, malaikat nuriken kerna kecibal kerajaan enda. Raja Mesir erbahan perpadanen ras raja Persia, alu pejabuken anakna. Tapi la ndekahsa anak raja Mesir rikut ras suruh-suruhenna kerina ibunuh raja Persia. La ndekahsa sekalak bas keluarga putri Mesir iangkat jadi raja, nerang dengen naluken kerajaan Persia, kerina gana-gana ibaba mulih janah dame me Mesir piga-piga tahun dekahna.

Kenca sie anak-anak raja Persia nerang kerajaan Mesir, desken banjir simbelin, tapi menang ka kerajaan Mesir. Emaka meganjang ukur raja Mesir. Erkiteken sie Kerajaan Persia ngatur strategi erperang; ipepulungna tentara sienterem; iatur paksa erperang, ilengkapina senjatana ras sidebanna. Peperangen pe terjadi, talu me Mesir. Kerajaan Persia rate-ate, janah meganjang ukurna, ibahanna rancangan ngkernepken kerajaan musuhna alu nerehken anakna man musuhna, kenca sie iserangna. Malaikat nuriken maka lit me pagi sekalak pemimpin bangsa sideban nari naluken Persia, mpengadi kiniganjangen ukurna.

Kalak simeganjang rukur bagi raja Mesir ras Persia enda. Iakapna arah kinibeluhen ras kuasana lit banci ngaturken kerinana. Ngeluh rate-ate nandangi kalak sideban dengen ngelakoken kerina cara guna nehi sura-surana. Bas ukurna adi enggo ndatken sura-surana e banci gelarna e jadi mehaga. Kalak simeganjang rukur ipeteruk Dibata kap, emaka isuruh Dibata kalak sideban guna naluken ia. Kiniteruken ukur mpengasup kita erpengendes dengen tertande man Tuhan. Kalak simeteruk ukur ndatken kesangapen sebab isehken Dibata me padaNa man bana (bd. Mat. 5:5), ngeluhlah bas kiniteruken rukur.

 *Kalak simeteruk rukur ersukuten man Tuhan*

